

# MME ANDITIŃ NTIŃ-NNIM IKỌ ABIAŃA EKE UKPEREDEM INI

2 Peter 2:1-22

ỌYỌHỌ UKPEP-ŃKPỌ 455

Eke Ikọ Owo

**IKỌ IBUOT:** “Mbufo eńwana eti-eti ndibe ke mfafaha inua-otop nduk: koro ndọhọ mbufo nte, ediwak owo eyeyom ndiduk, ndien idikemeke” (Luke 13:24).

## I Mme Anditiń Ntiń-Nnim Ikọ Abiańa Emi Edude Ke Ukperedem Ini

- 1 Ikọ Abasi ọnọ ntọt abańa ediwořọ ńwut idem mmọ, 2 Peter 2:1; Deuteronomy 13:1-4; Matthew 7:15, 16; ńwed Mbon Colossae 2:8; 1 ńwed Timothy 4:1-3
- 2 Mmọ enyene ediwak otu, edi eda nsahi enọ Ikọ Abasi akpanikọ, 2 Peter 2:2; Matthew 24:10-12; Eriyarare 12:9
- 3 Idiọk-itọń edi kiet ke otu mme idiọk-ńkpọ mmọ, 2 Peter 2:3; Isaiah 56:11; Jeremiah 6:13; Micah 3:11; 1 ńwed Timothy 6:5; Titus 1:11

## II Ufen Emi Anade Nte Edi

- 1 Ikọ Abasi anam ańwańa ufen emi anade ebet mmọ eke esańade ke usuń ukwań ido, 2 Peter 2:4-6; Jude 6; Genesis 6:13; 19:24; Ezekiel 16:49, 50
- 2 Ikọ Abasi anam ańwańa ńko uńwam emi Abasi enyenede ọnọ edinen owo, 2 Peter 2:7-9; 1 ńwed Thessalonica 4:15-17

## III Ndisańa Ke Idiọk-itọń Obukidem

- 1 Mmọ edi mbon ata-idiọk mfiak-edem, mbon emiom, inyeneke ukpono me uteńe, 2 Peter 2:10-12; Jude 8-10; Numbers 12:8
- 2 Mmọ ibiańake mmọ efen ikpọń edi ebiańa idem mmọ ńko, 2 Peter 2:13-16; 2 ńwed Thessalonica 2:10-12; Jude 11, 12
- 3 Mmọ edi mmọ emi eduńọde eduk ke kpukpru oruk ndudue, 2 Peter 2:17, 18; Jude 16

## IV Akpatre Itie Mmọ Akabare Ọdiọk Akan Eke Akpa

- 1 Mmọ eńwońọ uworoř-ufin edi ekabare esin owo ke ufin. 2 Peter 2:19; John 8:34; ńwed Mbon Galatia 6:8
- 2 Ọkpọfọn ye mmọ ndikpetre ndifiọk usuń edinen-ido akan ndifiọk mma, ndien ewońọre ekpọń edisana ibet, 2 Peter 2:20-22; Luke 11:24-26

## SE EKPEPDE EBAŃA

Akpa ibuat ke 2 Peter etre ukpep-ńkpọ esie ye ntọt ete; ke ndisana owo eketiń ikọ eke otode Abasi, nte Edisana Spirit ekesinde mmọ etiń; ọyọhọ ibuat iba ọtọńọ esie ye, “Edi mme prophet abiańa ema enyuń ebińọre ke otu mbio-obio.” Ikọ Abasi ọnọ mme owo ntọt abańa mme ńkpọ-ndik emi edude ke usuń uwem emi. Ke Psalm 19:11, andiwet, ke nditiń ikọ mbańa mbet ye ewuhọ Abasi, ọdọhọ ete, “Enyuń eda mmọ eteme owo fo.” Ke mme usen emi mfiak-edem ye ndudue eyọhọde ofuri itie ukpep Ikọ Abasi, edi ata akpan ńkpọ idahaemi akan nte ekedide ke akpa ọnọ mmọ emi enyenede akpanikọ ndidara, ndimum ńkama nnyuń nsuan enye. Ntak emi esin andiwet 1 John 4:1 ọdọhọde ete: “Ndima, ekunim kpukpru spirit ke akpanikọ, edi edomo mme spirit ese mme mmọ edi eke Abasi: koro ediwak prophet nsu ema ewońọ edi ke ererimbot.” Akananam iduhe ini eke ata anditiene-Christ oyomde odudu Edisana Spirit emi abaharede akpanikọ osio ke nsu nte enye okpoyomde ke eyo emi.

## Mme Isen Ukpep-ńkpọ

Peter, isuń-utom okot ńkari utom mme andikpep abiańa “Ukpep-ńkpọ eke osobode ukpọń owo.” Mmọ idaha ata ifiọk eke otode Ikọ Abasi idi, edi eyom ndisọsuhọre idaha Ikọ Abasi ke ndibuak nsu ke akpanikọ ye ndinyuń nyak ufań nnọ mme ndibe-ndibe idiọk-ńkpọ. Mmọ eda ekikere emi edi ke ńkari-ńkari usuń ebuak ye akpanikọ man ewut unen ye odudu mmọ.

**UKPEP-ŃKPỌ EYO EMI** edi kiet ke otu ata mbukpo ndiọi ukpep-ńkpọ emi edude ke ererimbot mfin emi. Ifọt esie ekpere ndiduk ke kpukpru itie emi ekotde ufọk-Abasi. Mmọ ebat ete ke mmimọ imenyene

ntọtunọ ifiọk akpanikọ ke abañã ido ukpono Abasi nte Christ ekpepde. Emi añwañwana ye Ñwed Abasi ye Christ, onyuñ akañ idaha Christ nte Abasi ye odudu emi odude ke Ikọ Abasi. Mmọ ke etiñ ete ke ererimbot okoñ ke ediwak usuñ akan Ñwed Abasi. Mmọ ebat ete ke ndibuọt idem ke idem mmọ ọwọrọ ndibuọt idem ye Abasi; mmọ ekañ Edisana Emanã Jesus, odudu emi odude ke Iyip, ye ufọn ediyom obufa emanã. Nnyin imenyene mme edu-ukpono Abasi mfin, emi ekenyenede odudu Abasi ke utom mmọ ini kiet ko, edi mmọ ema efiak edem oto ke nditre ndimum Ikọ Abasi nte itiat-ukot-ufọk ñkama. Mkposọñ ukwọrọ-ikọ Abasi añwa-añwa mbañã edikabare esit, ediyarare mme idiọk-ñkpọ ye edidu edisana uwem emi okoñde akan idiọk-ñkpọ ema edop ofuri-ofuri, mbak nditọ ererimbot edikop idiọk esit etre ufọk-Abasi. Esuhọre idaha ufọk-Abasi enim nte mme itie-unek, ye mme itie inemesit ererimbot, ye mme oruk ñkpọ eken man ekeme ndinyene mkparawa. Ke ibio-ibio, utu ke ufọk-Abasi akpakabare ererimbot, ererimbot ọwọñọre akabare ufọk-Abasi esin ke Ukpep-ñkpọ-eyo-emi ye mbumek ererimbot. Spirit Abasi ikarake esit mkparawa ye ñkani owo aba ito ke inem etop emi abañade mbuọtidem ke odu-uwem Abasi, emi akpadade mmọ ọsuhọre ke ñkpọ-itie eseme man ebọñ akam esim ifiọk erifen ke mme idiọk-ñkpọ mmọ.

**UKPEP-ÑKPỌ DARWIN KE ABAÑÃ NTE ERERIMBOT ỌKỌTỌÑỌDE KE IDEMESIE** ebe oduk ke mme ufọk-ñwed ye mme ikpọ itie ukpep-ñkpọ ye mme ufọk-Abasi. Enye ekpep ete ke kpukpru ñkpọ ekenyuñ ewọrọ edu ntre. Mmọ emi minimke ete ke Abasi okobot kpukpru ñkpọ, ete ke owo etie ukem-ukem nte ebọk, emi amanade oto ke ubon ebọk. Mmọ inyimeke ite ke ofuri ererimbot ye owo edi ata akpan utom emi Abasi Andikpon ñkan obotde. Mmọ inyimeke ite ke owo ama ọduọ esine ke idiọk-ñkpọ ke Ìñwañ Eden, enyuñ edọhọ ete ke ufọn iduhe ndiyom Andinyaña ndifak owo nsio ke idiọk-ñkpọ. Mmọ emi ekpepde ete ke idighe Abasi okobot kpukpru ñkpọ edọhọ ete, “mme andito ke ubon ebọk iyomke Andinyaña”. Mme andikpep ikpikpu mbuk emi, ọkọrọ ye mmọ emi ekarade idem mmọ edọhọ ete ke “Owo edi ñkpọ-utom, enye edi ñkpọ ke ini edade enam utom, inyuñ ibebe oro. Ete ke owo inyeneke ukpọñ, inyeneke spirit, utibe-ñkpọ obot edi nsu, uwem efen iduhe, Heaven iduhe ndida, mme hell ndifumi.” Ke owo, nte mmọ etiñde, ekeme ndida ke akwa idaha ke ifiọk idem esie nte ukeme esie edide.

Mmọ ekot mme utibe-ñkpọ Ñwed Abasi nte mbuk emi ediwak owo enimde edi midighe akpanikọ, ñke mbuk eset, mbuk emi akamade nsio-nsio ikọ enyuñ ekañ Edisana Emanã Christ. Ekot oruk ukpep ñkpọ emi “obufa ikọ-Abasi eyo emi.”

**UKPEP-ÑKPỌ EDISOBO MME IDIỌK OWO INI KIET KE TỌSIN ISUA UKARA AMA EBE** edi se “Mbon Ntiense Jehovah” ekpepde. Utọ enyene-ndik ye ukpep-ñkpọ abiaña emi ekotde “Enyọñ Ukpeme Zion,” ye “Ñka Mme ekpep Ñwed Abasi eke Ofuri Ererimbot,” amanam ata ediwak ukpọñ eka iso enam idiọk-ñkpọ enyuñ enyene idorenyin ete ke iyenyene erinyaña ke mkpa ama ebe. Ekpep ete ke ufañ efen ke ododu ọnọ owo ke mkpa ebete. Akañ ete ke nsinsi ufen iduhe inọ anam-idiọk, onyuñ ekpep nsobo ini-kiet. Ekpep ete ke anam-idiọk eyeset onyuñ enyene ifet efen ndinyene erinyaña ke ererimbot; ndien ke Tọsin isua ukara edikurede, ke eyefọp enyuñ esobo idiọk owo ye Satan ye mme angel oro ekeduọñde ekpọñ mfọn ini kiet. Ukpep-ñkpọ abiaña emi atuaha ye akpanikọ Abasi, onyuñ abiaña ata ediwak owo.

**UKPEP-ÑKPỌ MME ANDITIENE CHRIST KE NSU-NSU IFIỌK OBOT (CHRISTIAN SCIENCE)** Paul ekpe Timothy ubọk ete “fep idem ke mbukpọ ndisime ndutiñ ye ọkpọsọñ eneni, eke owo ekotde eke nsu, ete, ifiọk” (1 Ñwed Timothy 6:20). Baba ata ifiọk utom-obot (Science) kiet ibiọñọke akpanikọ eke ayararede uduak Abasi; edi ñkpọ emi ekotde ifiọk Abasi mfin emi akañ Christ, idiọk-ñkpọ, ufọn ndiyom Andinyaña, odudu emi odude ke Jesus Christ emi ekeduokde. Enye ke akara esit mme owo onyuñ ada mmọ esin ke ekim (Se ke 1 John 4:3).

**UKPEP-ÑKPỌ KE ENYIÑ JESUS IKPỌÑ** edi ukwañ ukpep-ñkpọ efen eke otode spirit ndutime ye ifiọp-esit obukpọ ido eke mme akpatre usen emi. Ukpep-ñkpọ emi otim abiaña mmọ emi ebuade ke esit esie ndidiọñ Abasi Ete ye Edisana Spirit nte Mmọ emi edide saña-saña Owo ke Idem Mmọ edi edude kiet ke Mbuot Abasi, Abasi Ita ke kiet, edọhọ ete ke akpanã edioñọ Jesus ikpọñ. Nsu-nsu ukpep-ñkpọ emi ekpep ete ke Jesus idighe nnen-nnen Eyen Abasi, ke Jesus edi Ete ñko. (Se John 3:16). Mmọ eteme ikọt mmọ ndina uduok-mmọñ ke “Enyiñ Jesus” ikpọñ-ikpọñ; edi mme ikọ emi Jesus eketiñde ye mbet Esie ekedi: “Mbufo eka ekenam kpukpru mme idut edi mbet Mi, enim baptism esin ke enyiñ Ete ye Eyen ye Edisana Spirit” (Matthew 28:9).

#### **Ndidian Abiaña Ukpep Ñkpọ Ọtọ Kiet**

Nnyin iyomke obufa eriyarare mme obufa uñwana ke eyo nnyin emi, edi iyom mfọn ndisaña ke uñwana Ikọ Abasi emi ima ikebem iso ibọ. Mme nsu-nsu ikọ Abasi enuk owo ndikañ Abasi emi ekedepde mmọ,

onyuñ ada mmọ osim usọp-usọp nsobo. Mme ñkari usuñ mmọ edi nsobo, ubiak, idiọk ye mkpa. Ata ediwak etiene mmọ. Ido mmọ emi edade nsu ye akpanikọ edian ọtọ kiet ekpep, anam mme owo etiñ idiọk edian Iko Abasi.

### **Idiok-itọñ**

Ke udọñ owo ndiyom udori idem esie ñko “mmọ enyuñ ekpek mme owo eyom ufọn enọ idem” (Jude 16). Mmọ eda ñkari ye udọn-ikọ eda mme owo nte ñkpọ mbubine enọ idem mmọ, man enyene udori eto mmọ. Ubiom-ikpe Abasi ke idem utọ mme anam-idiok ntem ekeme nditie nte iduhe, edi ke akpanikọ, enye ke ananam utom. Nsobo ke ebet mmọ, eyetọ emen mmọ, okposuk etiede nte ebebighi.

### **Mme Uwut-Ñkpọ Ke Abańa Ufen Abasi**

Iko Abasi, emi otode ke inua Isuñ-utom, anam nnyin ifiok ite ke Abasi ikenyeneke mbọm inọ mme angel oro ekeduede, okposuk edi ini kiet ko, mmọ ema ebuana ke ubọñ Heaven, edi emen mmọ eduok ke mkpọdiọhọ ikañ ke ntak ndudue mmọ (Isaiah 14:12-15). Enye omum mmọ “Ọkọbi ke nsinsi ebuka onim ke ekim, ete, etie ebet ikpe Akwa Usen Oro” (Jude 6).

Oyọhọ uwut-ñkpọ iba ke ubierikpe Abasi ye mmọ oro mifiokke Abasi ekedi ke eyo Noah. Ediwak owo mfin emi ekere ete ke ntak emi ata ediwak owo eduoñode esine ke idiok-ñkpọ, ke oro anam enye edi se inende; edi Abasi اساسua idiok-ñkpọ eyenyuñ amia kpukpru mme anam-idiok ufen. Abasi ikatuaha mmọ oro mikenimke Enye ke akpanikọ mbọm emi ekekopde ebańa Noah ye mbuotidem esie, andikwọrọ edinen-ido. Ekeme ndidi mmọ ema enyene udọñ ndikpuhọre usuñ mmọ ke ini iso, edi ke usen ekekemde, Abasi ama eberi usuñ ubom, ini ama ebe. Ndisin ekeme ndikpon ukem-ukem nte idiok-ñkpọ nsọñ-ibuot me unana edinim ke akpanikọ. Iko Abasi anam ańwańa nnyin ete ke ema enyańa Noah ye owo itiaba eken, emi owutde ete ke Abasi anyańa mmọ oro ekponode Enye. Oro edi ata akpanikọ ke ubierikpe Abasi ọnọ ndiọi owo.

Emen obio Sodom ye Gomorrah enim nte oyọhọ uwut ñkpọ ita. Ke Genesis 18:20, nnyin ikot ite “idiok-ñkpọ mmọ onyuñ odobi eti-eti.” Ke Ezekiel 16:49, 50 etiñ enọ nnyin ete ke idiok ido Sodom ekedi “Iseri, uyuhọ uđia, ye ata ifure . . . Ndien mmọ ekok idem, enyuñ enam mbubiam.” Oyọhọ ufań itio kiet ke ibuot ñwed nnyin anam ifiok ite ke Abasi ama osobo mme obio emi ke ndinam mmọ esak ekabare ntọñ, “onyuñ anamde mmọ edi uwut-ñkpọ ọnọ mmọ eke midibakke Abasi.”

### **Ubọhọ Mme-abak Abasi**

Ema enyańa uwem Lot nte ñkpọ eke ebete ke ikañ. Mme angel Abasi ema emum enye ye mbon ufok esie ke ubok enyuñ enam mmọ ewọrọ ekpọñ obio. Ema eyat Lot esit, enyuñ etuhọre enye, oto ke mbukpo nneme ye edinam mmọ ndifumi kpukpru mbet. Ọbọñ eyeda ifiok Esie ke usuñ eke Enye amade anyańa mmọ oro eteńede Enye. Isiońoke nditọ Abasi ifep ke idomo, me ndibọ ufen eke ọsuńode ke mkpa, ukem nte mmọ oro ekewotde ke ntak Iko Abasi ekebode, edi Ọbọñ ọmọfiok ndinyańa mmọ emi eteńede Enye nsio ke idomo” (2 Peter 2:9). (Se ñko ke 1 Ñwed Corinth 10:13).

### **Ubierikpe Iditreke Ndidu**

Ọbọñ ọmọfiok ndinọ mmọ oro miteńeke Enye ufen, ñko akpan-akpan nte emi mmọ enyenede ebuana ke mme mbukpo uwem emi esiakde enyiń mi. Nsọñ-ibuot aman ñkoi-nnam, ndien ñkoi-nnam ifeheke ndisuene ukara, nnyuñ ntiń idiok ndian mme enyene-odudu emi ekarade. Oburobut ido eke mmọ esuande, ekpepde enyuñ enamde ada nsobo ọnọ mmọ. Ñkpọ-eyen-utom me utip idiok-ñkpọ edi mkpa. Mme nsu-nsu andikpep edi mme ndo ye ntọi emi abiatde Iko Abasi. Peter mi ọsọń se idude ke Akani Ediommi nte imum enań eketińde ikọ ọnọ Balaam, emi akamade utip ukwań-ido. (Se Numbers 22:23, 24). Obube emi mikamake mmọñ edi ata ñkpọ abiańa ọnọ owo nsat-itọñ. Owo emi onimde idemesie nte edinen owo edi inyeneke Spirit Abasi edi ñko ñkpọ abiańa ọnọ mmọ oro eyomde akpanikọ. Mme ikpọ ikọ nnem-inua ebọbi iyire enọ ikpat owo eke ọduode ke afia mmọ.

Ekeme ndida uwọrọ-ufin emi odude ke Iko Abasi nte odudu Abasi ke uwem owo emi anamde owo emi onimde ke akpanikọ anam se inende, onyuñ ọbọhọ idiok-ñkpọ ye ubiomikpe. Ediwak ekere ete ndinam nte owo amade edi oyọhọ uwọrọ-ufin, edi emi ada owo ọkọsuńọ ke ndinam mme udọñ obukidem nnyuñ ndu ke ufin nte asańa-utom Satan. “Owo eke ọtode ọnọ obukidem eyedok mbiara oto obukidem” (Ñwed Mbon Galatia 6:8). Mbiara ada nsobo edi. Ke ndińwọńọ uwọrọ-ufin nto ke edikpọñ mfara-idem ye ifiok eti-ido, mme utọ owo emi eduk ufin enọ mbiara.

## **Nsinsi Ubọhọ, Akpanam Se Ananam**

Kiet ke otu nkpo-ntibe emi enyenede mbom akan emi ewetde ke Nwed Abasi edi owo ndinyene ifiok Abasi, ndien afiak edem aka ererimbot akasabare idem. Mme uwut-nkpọ emi enode nte ebua akabare adia se okpohide, ye nte edi emi eyetde asana afiakde aka ndiwere ke mbat, eneñere owut idaha ye edu ndedehe uwem eke mbon mfiak-edem eduonode ke esit.

Ata ediwak mmọ emi ekutde idem mmọ nte mme okpono Abasi edu mfin emi, emi esiode idem mmọ efep ke utọ akpanikọ emi otode inua Isuñ-utom, emi owutde ete ke owo ekeme ndiduo nkpon mfon. “Nsinsi Ubọhọ” edi ibuot ikọ emi enyenede nsio-nsio enyiñ emi ediode nte “Nsin Ifik Nti Ikot Abasi,” “Edimum Mmọ Emi Enyañade Nkama” ye “Ama Odu Ini Kiet Ke Mfon, Osuk Ododu Kpukpru Ini Ke Mfon.” Nnyin imokut ite ke owo ekeme ndidu ke “Idak mfon” mfin, ke ini enye onimde Ikọ Abasi ke akpanikọ; edi edieke enye anamde idiok, ke nditut uton ke Ikọ Abasi, enye eyedu ke “esuene.”

Ata ison ntak ukpep-nkpọ emi edi ndino owo ifet ndinam idiok-nkpọ nnyuñ nana ubiomikpe ke esit, nka iso nnim nte ke emi ibiatke ediomu ebuana owo ye Abasi. Emi eneñere oduk ekekem ke ukpep-nkpọ mmọ oro enwanade ndisuhore idaha edisana-ido man otodo eno ekikere obuk-idem ufañ ndibọ ndiọ ukpep-nkpọ eke eyo emi. Edomo ndisio idiok mfep ke idiok, enyuñ eda ke idiok-nkpọ inyeneke ufen. Enye asiak ibio usuñ ete ke ino ye mbon-nwo ekeme ndisaña nduk Heaven. Enwana ndidok ke ibibene nsaña nduk. Ke ntak emi “Nsinsi Ubọhọ” akabare edi usop-usop nworon-nda ukpep-nkpọ emi okoride oto mbon mfiak-edem ukperedem ini emi. Ke ediwak idaha, mmọ emi ekpepe esen ukpep-nkpọ emi eneñere eto mmọ oro ema ekeduon ekpon ima akpanikọ, esin Abasi odon abiaña ndinam utom ke esit mmọ, ete enim nsu ke akpanikọ enyuñ etak (2 Nwed Thessalonica 2:11, 12). Akpana enam nkpo ndiyarade abiaña-abiaña edinam emi mbemiso enye akabare owut idem nte itiat iduo onọ mmọ emi edade ofuri esit mmọ eyom akpanikọ. (Se 1 John 1:7 ye 3:9. Nko, kot Jeremiah 23:1-32 ye Ezekiel 13).

### **MME MBUME**

- 1 Nso idi mme nkpo-ndik emi etode mme anditeme abiaña?
- 2 Nso utọ udim ke mmọ enyene?
- 3 Nso utọ odudu ke emi enyene ke Ikọ Abasi akpanikọ?
- 4 Nso idi uduak mmọ?
- 5 Nso uwut-nkpọ ita ke Peter onọ ke ubierikpe Abasi ke mme ini emi ekebede?
- 6 Nso ke Abasi anam ye ndinen owo ke mme usen ubierikpe?
- 7 Nso idi ndusuk idiok-nkpọ emi mme anditeme abiaña enamde?
- 8 Nso ikedi “usuñ Balaam” emi etiñde ebaña mi?
- 9 Enwonon uworon-ufin, nso idi iboron?
- 10 Nso ke Peter etiñ abaña akpatre itie owo emi afiakde akasabare idem ke ererimbot?